


Metiu 8



Melemu at lavantun levenaleng, limixin diga lok leluxa loklox epot to Kena at lenep silok Galili. Nenen ne Iesu bok mo gak lok, la ne Iesu eburu mi luvuttadi loklok ka anasa ren bok mo diga sing nedi do diba vot go at loklox epot.



Se limixin diga in axap levendan vaen, nenen ne Iesu ga lok tin, "Levendan vaen atdi ira xap pam." Nenen ne Iesu ga lok ti mo luvuttadi gugu, "Mina mumu asu levempanga salai do neni na tong i rinimi."




Iesu ga lok ti lavasaxaruki, "Minantu i na lempat buxom mi laxadan." La digantu aumsu di mi laxadan. La melemu neni ga lok tidi, "Monga minantu ka toxongkadan at nom la mina lok ka i uto at laradi i lok tata leluxa."



3

Diga lok ka i uto saparap mo laradi, la ni ga in tong pen mo loxongkadan, mo ga vee vaen pam.



4

Ni goxoklen i do na lavaen ga la meva, ketla lavasaxaruki ren digaklen i; kuren la neni ga ro ka mo laradi diga lox aepor i, la ga lok tin, "Limixin axap di in lagale lavaen avot la melemu do dira in aleng, nedi dira in ba lavaen i so gamasa, ketla nenu ura lili vam lavaen avukat ise nga mo."



5

Nai lavanga sangsangu avot tinotno ne Iesu ga lox i. Ni ga lox i na ro Kena at lenep silok Galili; neni ga lox asusu lisisilok teren go, la luvuttadi loklok ka anasa ren diga nuunu ren.




6

Iesu ga rupot to at loogu at ne Pita, la ni ga ven luvutulom at ne Pita gak midi at loora, ga meres mi liplivi.



7

Neni ga long tu at lekngen la liplivi ga on basinge i, la ni ga xatu kaxat upana la ga lox agagas leveluxa ridi.



8

Ga ukantinao laxangking ga lotup, limixin me go diga vot pasa ne Iesu, diga lam kaka limixin mi laxanasen anmeres la limixin lubunggas ga suxuna di. Buaang limixin ap mo lemenemen diga vot saparap ne Iesu ap mo loogu.



9

La ne Iesu ga lox aroo limixin mekmeres la ga riki xepe lubunggas basinge limixin; lubunggas digaklen i do ne Iesu nitna ne Moroa, ketla ne Iesu goxo siam do dina tong asu i ri limixin.




10

La limixin diga lok tong pen i do dina long tu ren, mila lololos ga ravasu basinge i la ga lox avukat nedi axap.



11

La lentaba limixin diga rupot to at nom loogu la lavanuet atdi digap kip lara laradi mi loora ren. Nom laradi ga meres, labantuxu ren ga molo axap.



12

La nedi di goxo epovo dina vot saparap ne Iesu min mila buaang limixin diga ru pe lumusaragu.



13

Kuren la nedi diga eng urut at nom loogu la diga das avolo loxot to mavana saparap ne Iesu la diga lox asi nom laradi mekmeres mi loora ren.



14

La ne Iesu ga ven kibis lunuunu atdi la ga lok ti laradi mekmeres keretna, "Lentangas tarak. Leveloklok kakapmek axap taram, a doxoma xepe i." "A tong i ru, una xatu upana, la una xip kaka loora ram, la una vas kaxat ukolonu."




15

La ne Iesu ga los kas at lese pang eburu mi luvuttadi loklok ka anasa ren la diga sen kaxat. La soso mun langsung an lamanman ga mas lolos mo lavatdan kis, la ga auret do lese pang gita dong si. Ketla ne Iesu mo ga unga.



16

La ni ga lok tidi, "Kereva, kopmen tunuunu atnimi? Mi marat tila?" La ni ga xatu kaxat la ga vaase lolos pe lamanman mi lavatdan kis la duga lox atnaasan la langsung lenmila ga men ta. La mo luvuttadi diga sangu aleng la diga lok, "Laradi salai na? I vaase sok lamanman mi lavatdan kis la dira ronga res teren."



17

Moroa ga balamu rinotno limixin axap at na lavatbung menemen, kuren la ni gam taba mi legesa madak mun teren, kusu do nege i nuunu ren, neni noxo seeve, ketla neni naba ruuna ka lorooro avolo.

40

60 18

Rom 3:23

Atla limixin axap digara lok pam laxapmek la digara subu kot basinge loklok mokmokso at ne Moroa.

Rom 6:23

Luunun at laxapmek, ni lanmet; ketla laramtaba at ne Moroa, ni lorooro avolo keneng at ne Iesu Karisito, Leeme Silok atnedik.

Ibru 9:27

Limixin axap dinaba met la melemu at na, Moroa ba lok li di at lavapaase.

19

Epesas 2:8,9

Moroa ga lox arooro nedik maxeneng at letaba nabalumu ren, mo letaba nabalumu ik lok tinedi di nuunu at ne Iesu Karisito. Limixin kopmen dina epovo kusu dina lox arooro nedi xa; ketla mo letaba nabalumu, ni laramtaba boro at ne Moroa. Kopmen tara i epovo na lok kaka loklox arooro mumu leven gugu nunuan teren, mila mo do xuren, limixin diba simi aurut di.

Rom 10:9,10

Do mina vaase asu mi levenbulubun atnimi do ne Iesu ni Leeme Silok, la mina nuunu mi lebelen nimi axap do ne Moroa ga lox aroo amlong ne Iesu at lanmet, nemi minaba roo suu. Kuren la nemi do mina nuunu mi lebelen nimi axap, nemi minaba sepmus; la do mina vaase asu i mi levenbulubun atnimi, minaba roo suu.

20

Jon 3:16,17

Moroa ga balamu rinotno limixin axap at na lavatbung menemen, kuren la ni gam taba mi legesa madak mun teren, kusu do nege i nuunu ren, neni noxo seeve, ketla neni naba ruuna ka lorooro avolo.

Moroa ga riki ne Nitna ude at na lavatbung menemen kopmen do neni na lok li loxokoxo ri limixin. Ketla Moroa ga riki ne Nitna xusu neni Laradi Loklox Arooro ridi.

1 Jon 5:11-13

Mo levelinga i lok keretna, Moroa ga raba vam dik mi lorooro avolo, la langas ti mo lorooro i nemen at lekngen ne Nitna. Dola tara i nuunu at ne Iesu, i ruuna ka vam nom lorooro. Do tara kopmen na nuunu at ne Iesu, ne Nitna ne Moroa, neni noxo ruuna ka nom lorooro.

Nia a malagan na lempanga rinemi mi nuunu at laasen at ne Nitna ne Moroa kusu mina xasep do mira ruuna ka vam lorooro avolo.

21

Metiu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Madak Bible (mmx) © 2011, Wycliffe Bible
Translators, Inc. All rights reserved.

<https://www.bible.com/bible/1099/MAT.1>

©2026 Bible for Children, Inc.
www.M1914.org www.bibleforchildren.org

22